

ՆԵՐՍԵՍ ՄՈԿԱՅՈՒՆ ՎԵՐԱԳՐՎՈՂ ՄԻ ԶԵՌԱԳՐԻ ՄԱՍԻՆ

Ա. Գ. ԴՈՒՌԻՔԱՆՑԱՆ

Հայ ձեռագրերի մեջ առանձին հետաքրքրություն են ներկայացնում այն սակավաթիվ գրչագրերը, որոնք անմիջականորեն առնչվում են անցյալի մեր նշանավոր մատենագիրներին: Դրանցից է Մաշտոցյան Մատենադարանի № 5128 ձեռագիրը, որը կապվում է Ներսես Մոկացու (Բեղլու) անվան հետ: Ձեռագրի պահպանակի վրա գրված է. «Այս գիրքս Բեխլու Ներսէսի ձեռագիրն է և շատ բանք, որ աստ կան, նորին Ներսէսի են: Այս գիրքս ժ տարի իմ խուցս եկաց, զոր Տէր լուսաւորէ նորին հոգին, ընդ նմին և իմս Գրիգորի Վանեցւոյ վարդապետի»:

Պիտի կարծել, Գրիգոր Վանեցին ձեռագիրն իր մոտ է պահել 1625—1635 թթ. (Ներսես Մոկացին մահացել էր 1625 թ.):

Նույն գրչագրի մեկ ուրիշ հիշատակարանի մեջ (թերթ 280ա), դրված նույն 1635 թ., կարդում ենք. «Փա՛ռք համագոյ, համագոր, համապայծառ միասնական սուրբ երրորդութեան և միաստուածութեան, Հաւր և Որդւոյ և սուրբ Հոգւոյն յերիս յաւիտեանսն, ամէն: Արդ կատարեցաւ գիծս, որ կոչի Նւագրի ընդ խորհուրդ և այլ բաղում ժողովեալ ձեռամբ անիմաստ և տիմար գրչի Մովսէսի ի թուականիս ՌՁԴ» (1635):

№ 5128 ձեռագիրը գրել են տարբեր գրիչներ: Հիշատակարանները մեղաւանդում են երկուսի անունը: Մեկը, ինչպես տեսանք ըստ Գրիգոր Վանեցու, Ներսես Մոկացին է, իսկ մյուսը՝ Մովսեսն է. ի դեպ, կարծես թե նա իրեն է վերագրում ամբողջ ձեռագիրը՝ սկսած Նվագրի վարդապետությունից, որը տեղավորված է ձեռագրի սկզբում:

Ինչպե՞ս հասկանալ. ո՞վ է գրել այս ձեռագիրը, ո՞ւմ գրչի արգասիքն է: Գրչագրի մանրագնին ընթերցումից պարզվում է, որ մինչև 147ա թերթը պատկանում է բացառապես մի գրչի: Երկրորդ մասի նյութերն էլ, հավանաբար, գրել են տարբեր գրիչներ: Մեր համոզմամբ՝ ձեռագրի առաջին մասի հետ Մովսես գրիչը բոլորովին չի առնչվում, նա գործ է ունեցել միայն երկրորդ մասի հետ, այն էլ ընդօրինակելով միայն առանձին բնագրեր: Ինչո՞ւվ բացատրել երկրորդ մասի ձեռագրերի տարբերությունները: Արդյոք Մովսես գրիչը որոշ հատվածներ հանձնարարել է ուրիշներին, թե՞ նա պարզապես դրել է տարբեր ձեռագրերով: Հավանականը առաջին ենթադրությունն է: Բայց քանի որ ինքը եղել է ձեռագրի հիմնական գրիչը, ուստի ձեռագրի վերջում հիշատակարանը թողել է իր անունով: Պետք է ենթադրել նաև, որ Մովսես գրիչը ժողովածուի մեջ ամենանշանակալից գործը համարել է Նվագրի վարդապետությունը, ուստի և, ըստ ժամանակի սովորության, ժողովածուն կոչել է այդ գործի անունով: Այդպիսի ժողովածուներից է, օրինակ, Ներսես Շիրահալու ստեղծագործություններն ընդգրկող «Յիսուս որդի» կոչվող ժողովածուն, որն

այդպես է վերնագրվել, որովհետև այնտեղ ամփոփված պոեմը սկսվում է այդ բառերով:

Իսկ ո՞վ է գրել X^o 5128 ձեռագրի առաջին մասը: Ամենայն հավանականությամբ՝ Ներսես Մոկացին: Այսպես ասելու համար նկատի ունենք հետևյալ պարագաները: Ներսես Մոկացին XVII դարի առաջին քառորդին ծավալված լուսավորչական շարժման նշանավոր ներկայացուցիչներից էր, իսկ այդ շարժման ղեկավար նպատակներից մեկն էլ վանական դրականության ստեղծումն էր, հին ձեռագրերի ուսումնասիրությունը ու հավաքումը և նորերի բազմացումը: Ուշագրավ է, որ առհասարակ վանական միաբանության անդամները միաժամանակ մանկավարժներ, գրիչներ և ծաղկողներ էին: Այդ խնդիրը առաջնահերթ էր նաև Ներսես Մոկացու հիմնած լիմ անապատի միաբանության համար, որտեղ և գրվել է X^o 5128 ձեռագիրը՝ 1625-ից առաջ, և շարունակվել մինչև 1635 թ.: Ներսես Մոկացու՝ գրչությամբ ղեկավարվելու մասին ունենք ավելի հին վկայություն: Նրուսաղեմի X^o 1311 ձեռագրի հիշատակարանում¹ ասվում է, որ 1602 թ. Հայրապետ վարդապետը (որը Ներսես Մոկացու հորեղբայրն էր և ուսուցիչը) հանձնարարել էր Ներսեսին իր համար ընդօրինակել Դիոնիսոս Թրակացու քերականությունը², Ինչպես տեսնում ենք, անժխտելի է, որ Ներսես Մոկացին գրողվել է գրչությամբ, ուստի և հավանական, որ հենց ինքն էլ ընդօրինակել է X^o 5128 ձեռագրի նվագրի վարդապետությունը և նրան հաջորդող գործերը, որոնց բովանդակությունը խիստ պատշաճում է վանական միաբանության առաջնորդի ցանկություններին և պահանջներին, ինչպես նաև եկեղեցու ներքին կարգ ու կանոնին և միաբանության անդամների կենցաղին ու նիստուկացին:

X^o 5128 ձեռագիրը Ներսես Մոկացու անվան հետ կապվելու ուրիշ հանդիսանում էլ ունի: Օրինակ, ձեռագրի սկզբի մասում տեղավորված տոմարական մի գործի հիշատակարանի մեջ, որը գրված է 1629 թ. (Ներսես Մոկացու մահվանից հետո), խոսվում է այդ բնագրի ընդօրինակության շարժառիթների մասին: «Եթե ասե՛ք՝ զայս ո՞վ խնդրեց. Ներսէս վարդապետն խնդրեց՝ յրհասաւ իւր փափարանայն, մինչև խաչատուր վարդապետն ուղեց, Աստուծոյ կտորցոյթեամբ, և զորաց աղօթիւքն զտաւ, զմեղ ուրախացուց. Աստուծո զիւր հոգին յուսաւորէ, ամէն» (թերթ 3ա—7ա): Ինչպես տեսնում ենք, Ներսես Մոկացին այդ ձեռագրի ստեղծման հետ կապված իր որոշ ծրագրերը մահվան պատճառով չի կտրուցել իրականացնելու կամ չի տեսել իրականացած:

Այս տոմարական գործը սկզբից պակաստվոր է. երևում է, որ այն հետագայում է կցվել ձեռագրին: Դատելով հիշատակարանից, այդ գործը միացվել է տվյալ ձեռագրին ի հիշատակ Ներսես Մոկացու, որը լեզի է տոմարական գործի պատվիրատուն և որի անվան հետ կապված է X^o 5128 ձեռագիրը:

X^o 5128 ձեռագրի մեջ, նրա երկրորդ մասում, որի հիմնական գրիչը մենք համարում ենք Մովսեսին, գետեղված է Ներսես Մոկացու հայտնի պոեմը,

1 Ն. Ա. Կ. և յ ա ն, Բաղէշի դպրոցը, Վիեննա, 1952, էջ 72:

2 Մաշտոցյան Մատենադարանի որոշ ձեռագրերում կան 1590—1602 թթ. ժամանակաշատվածում գործած, ծաղկող Ներսես Մոկացու նկարները: Ժամանակով, ապրած միջավայրով և անուն, մականունով այդպես նման երկու Ներսեսները արդյո՞ք տարբեր մարդիկ են, թե խոսքը միևնույն անձնավորության մասին է: Ներսես Մոկացու կենսագրությանը վերաբերող այս ուշագրավ տվյալը անծանոթ է բանասիրությանը և կարոտ է լուրջ ուսումնասիրության, որին անդրադառնալու ենք այլ առիթով:

նվիրված Մեծ անապատի հիմնադրմանը. «Ներբողեան գովեստի շորեցունց արանցն, որ եղեն սկիզբն անապատի կարգել յագգս մեր» (թերթ 197թ— ների մասին: Այս փաստն էլ յուրովի ներսես Մոկացու անունը կապում է պարունակում Մեծ անապատի ստեղծման պատմության ու նրա հիմնադիր- ների մասին: Այս փաստն էլ ներսես Մոկացու անունը յուրովի կապում է տվյալ ձեռագրի հետ: Մանավանդ, որ ձեռագրի առաջին հիշատակարանի մեջ ասված է, թե «...շատ բանք, որ աստ կան, նորին ներսեսի են»: Պիտի նկա- տել, սակայն, որ այդտեղ ներսես Մոկացուն որոշակիորեն պատկանող այլ նյութեր չկան: Ծիշտ է, կան մի քանի անանուն տաղեր, բայց դրանք գեթ մասամբ ներսես Մոկացուն վերագրելը առայժմ անհնար է:

Մատենադարանի № 5128 ձեռագիրը ժողովածու է, որն իր մեջ պարունա- կում է տարբեր բնույթի գործեր և ունի հարուստ բովանդակություն:

Այստեղ կան տոմարական, կենսագրական գործեր, խրատներ, քարոզ- ներ, մեկնություններ, աշխարհացույց, տաղեր, ոտանավորներ, ներբողներ, զանգեր, հանելուկներ և այլն, որոնք միաժամանակ ներկայացնում են իմ անապատի միաբանության անդամների հետաքրքրությունների շրջանակը:

Այսպիսով, կարող ենք ենթադրել, որ Մատենադարանի № 5128 ձեռագիրն իր առաջին մասով պատկանում է XVII դարի բանաստեղծ և հասարակական գործիչ ներսես Մոկացու գրչին, որը հետագայում (1625—1635 թթ.) լրացրել են Մովսես գրիչը և ուրիշներ: Այն արժեքավոր է ներսես Մոկացու կենսագրու- թյունը, ինչպես նաև իմ անապատի միաբանության պատմության հարցերը յուսաբանելու առումով:

О РУКОПИСИ КАСАЮЩЕЙСЯ НЕРСЕСА МОКАЦИ

А. Г. ДОЛУХАНИЯН

Р е з ю м е

Рукопись № 5128 Матенадарана имени Маштоца связана с именем известного представителя просветительного движения первой четверти 17 в., основателя школы на острове Лим, поэта и педагога Нерсеса Мокаци. Предполагается, что первая часть рукописи написана рукой самого Нерсеса Мокаци. Рукопись имеет богатое содержание, что очень ценно для освещения некоторых данных биографии Нерсеса Мокаци, а также истории школы на острове Лим.